

սրն, խնդրեաց բառնալ զնեղութիւնս նոցին, և չտալ հրովարտակ 'ի ձեռս այլազգեաց, մինչչեւ ծանուցեալ իցէ դատաւորին զխնդիր նոցա, և խափանել զառաջին հրովարտակն, զոր առեալ էին: Գրեցաւ դարձեալ հրովարտակ քննել դատաւորին զգերեզմանատունն համաձայն վաւերական թղթոցն Հայոց և մնալ 'ի ժառանգութեան նոցին, մերժել զայլազգիսն և խափանել զվէճս նոցա, զի մի գործեացեն ընդդէմ օրինաց, և մի հարկ լիցի կրկին հրամանի 'ի Վ Շապան ամսոյ՝ Վ•ԿԿ (1614):

Այն ինչ դադարեալ համարէին աղմուկ խռովութեան այլազգեաց՝ սակս գերեզմանատան, բացաւ դուռն այլ իմն վնասուց, զի այլազգիք Սիոնի 'ի գիշերի ծակեցին զորմոս. Ս. Փրկչի վանաց եւ ընկեցին զմեծամեծ քարինս 'ի պարբապէ նորին, եւ կամէին կործանել զնա: Ի ձայնէ և 'ի դնգմանէ գործեացն քանդման, լուեալ միաբանացն, ազաղակեցին հասանիլ յօգնութիւն, և նոցա թողեալ զգործըն փախեան անտի: Եւ 'ի լուսանալ առաւօտուն՝ դնաց անդր Գրիգոր Պարոն Տէր, եկն եւ դատաւոր քաղաքին ընդ մեծամեծս այլազգեաց, և քաղաքապետն Սօշթապար Ազա, և 'ի քննութեան պահու տեսին զի քակեալ էր ծեփուն հարաւային որմոյն և ծակոտեալ յարեւելից յարեւմուտս 16 կանգուն, և անկեալ քարինք մեծամեծք: Եհարց դատաւորն ցԳրիգոր զսատճառն, եւ թէ ունի՞ս կարծիս ինչ 'ի վերայ ուրուք, և նա ասէ. բաց 'ի բնակչաց Սիոնի չունիմ՝ կարծիս 'ի վերայ այլոյ ուրուք, զի յառաջմանէ անտի թշնամութեամբ են ընդ մեզ, և մատոյց զհրովարտակն, որ վասն կուռջ և վնասուց նոցին, (1610). և զայլ հրովարտակ վասն սոյն խնդրոյ (1614): Եհարց դատաւորն և ցայլազգիս Սիոնի, թէ ո՞վ արդեօք արար զվնասն. և նոքա իրրեւ յանգետս յուրաստ եղեն: Ապա առեալ զքաղաքապետն դնաց առ զօրագլուխ զօրուն, որ նստէր յայնժամ յերուսաղէմ, և առաջի նորա հարցանել զվնասուցըն վանաց, և իրրեւ ոչ կարացին դտանել զոք, հրաման ետուն Գրիգորի շինել և նորոգել զպարիսպն և զայլ տեղիս վանաց, զնել դուռն երկաթի, զի մի այրեացեն զայն աւաղակք. և փոխել զբարաւորս նորին. և նորա ձեռն 'ի գործ արկեալ շինեաց զայնս և նորոգեալ ամրացոյց զա-